

Boshqaruvni tashkil etish, nazorat va huquqiy ta'minot kafedrası

Kafedraning maqsadi – Favqulodda vaziyatlar vazirligi tizimi faoliyatida fuqarolar huquqlari, erkinliklari va qonuniy manfaatlarini ishonchli himoya qilish, yong'inlar profilaktikasi va yong'inlarning oldini olish ishlarini tashkil etish, boshqarish va ish yuritish yo'nalishlariga doir ixtisoslik va huquqiy fanlar bo'yicha o'quv, ilmiy-uslubiy, ilmiy-tadqiqot, tashkiliy-uslubiy, tarbiyaviy va ma'naviy-ma'rifiy ishlarni olib borish, shuningdek, mazkur yo'nalishlardagi ilmiy-pedagogik kadrlarni tayyorlashdan iborat.

Kafedraning vazifalari: Akademiyaning ixtisoslik kafedrası hisoblanib, "Xalq manfaatlariga xizmat qilish"ni o'z xizmat burchi deb biladigan, yong'in xavfsizligi va texnosfera xavfsizligini ta'minlash va yong'inlarning oldini olish sohasida erishilgan yutuqlar va ularning rivojlanish istiqbollari haqida tasavvur hosil qilishi, yong'inlar profilaktikasi tizimining shakllanishi, bu sohadagi islohotlar natijalari va istiqbollari, yong'inlarning oldini olish xizmatini hamda unda faoliyat olib borayotgan sohaviy xizmatlar, jamoyat tuzulmalari bilan hamkorlikni tashkil etish, iqtisodiyot tarmoqlari, ijtimoiy soha, aholi turar va ko'p qavatli binolarning yong'in havfsizligi holatini kompleks tekshirish asoslarini bilish va unda ishtirok eta olish, xizmat faoliyati va ish yuritish jarayonida normativ-huquqiy hujjatlar bilan belgilangan talablarga qat'iy amal qilinishini ta'minlash va nazorat qilish, yuklatilgan xizmat vazifalarini bajarishda yuridik va jismoniy shaxslarning murojaatlari bilan to'g'ri ishlash va qonun hujjatlarida belgilangan tartibda munosabat bildirish bo'yicha chuqur bilimlarni, kasb faoliyati ko'nikmalari va o'quvlarini shakllantirish, shu bilan bir qatorda, yong'inlar bilan bog'liq va texnogen xarakterdagi favqulodda vaziyatlarning oldini olish ishlarini tashkil etish ko'nikmalarini hosil qilish, kasb faoliyatining ko'zlangan natijalariga erishishda boshqaruv jarayonlarini modellashtirish va tizimli yondashish borasida kursantlarda nazariy bilim va amaliy ko'nikmalarni hosil qilish iborat.

KAFEDRANING FUNKSIYALARI:

- davlat ta'lim standartiga muvofiq o'quv mashg'ulotlariga tayyorgarlik ko'rish va uni o'tkazish;
- o'quv mashg'ulotlarini o'tkazish uchun o'quv-uslubiy hujjatlarni ishlab chiqish, darslik va o'quv qo'llanmalarini tayyorlash hamda ularni nashr ettirish;
- dars jadvaliga asosan ma'ruza, amaliy, maskanga chiqish mashg'ulotlarini olib borish;
- kursant hamda tinglovchilarni o'quv materiallarini o'zlashtirish darajasini aniqlash maqsadida mavzuiy, oraliq va yakuniy nazorat baholashlaridan o'tkazish;

- o'quv jarayonini yuqori saviyada tashkillashtirish maqsadida o'quv-uslubiy ishlar majmuasini ishlab chiqish;
- kafedra professor-o'qituvchilarini Respublikaning yetakchi va turdosh Oliy ta'lim muassalarida malakasini oshirish hamda amaliy idoralarda stajirovka o'tashini amalga oshirish;
- kafedra professor-o'qituvchilarining falsafa doktori (PhD) hamda fan doktori (DcS) dissertatsiyalari, shu bilan bir qatorda dotsent hamda professor ilmiy unvonlari ustida ishlashi uchun zarur shart-sharoitlar yaratish;
- kafedra professor-o'qituvchilari tomonidan turli ko'rgazma, davra suhbatlari, seminar-treninglar, anjumanlar va konferensiyalarni tashkil qilishini hamda ishtirok etishini ta'minlash;
- Akademiya kursantlari bilan o'quv-tarbiyaviy hamda murabbiylik ishlari bo'yicha yillik ish rejalarida nazarda tutilgan tadbirlarda ishtirok etish.

KAFEDRADA O'QITILADIGAN FANLAR:

- Inson huquqlari;
- Yuridik tayyorgarlik;
- Huquqni muhofaza qiluvchi organlar;
- Favqulodda vaziyatlar vazirligi tuzilmalarida faoliyatini tashkillashtirish, boshqarish va ish yuritish;
- Favqulodda vaziyatlar vazirligi tuzilmalarining ma'muriy faoliyati;
- Texnosfera xavfsizligini boshqarish;
- Xavfsizlik sohasidan nazorat;
- Hayot faoliyati xavfsizligi;
- Davlat yong'in nazorati;
- Amaliyot asoslari;
- Yong'inlar profilaktikasi va nazoratni tashkil etish;
- Aholi va hududlarni favqulodda vaziyatlardan muhofaza qilishning huquqiy asoslari.

KAFEDRADA FAOLIYAT YURITAYOTGAN TO'GARAKLAR:

Kafedrada "Yuridik tayyorgarlik", "Favqulodda vaziyatlar vazirligi tuzilmalarida faoliyatini tashkillashtirish, boshqarish va ish yuritish", "Texnosfera xavfsizligini boshqarish", "Xavfsizlik sohasidan nazorat", "Hayot faoliyati xavfsizligi" va "Davlat yong'in nazorati" fanlaridan ilmiy to'garaklar faoliyat yuritayotgan bo'lib, ushbu to'garaklar doirasida kursantlar ta'lim sohasi uchun zarur bo'lgan mutaxassislik fanlarining ilmiy va nazariy asoslarini chuqur o'rganish bilan bir qatorda amaliy tajriba va ko'nikmalarga ega bo'lmoqdalar.

KAFEDRANING FAOLIYATI

Kafedrada professor-o'qituvchilariga birlashtirilgan fanlardan oliy ta'lim doirasida Favqulodda vaziyatlar vazirligi harbiy xizmatchilarini tayyorlash uchun Akademiya kursantlari bilan ma'ruza, amaliy va maskanga

chiqish mashg'ulotlari olib boriladi.

Mashg'ulotlarni olib borishda zamonaviy o'qitishning texnik vositalari va pedagogik texnologiyalardan samarali foydalaniladi.

Kafedrada xizmat faoliyati davomida ilmiy salohiyat, yuqori pedagogik tajribaga hamda yetarli amaliy tajribaga ega bo'lgan professor-o'qituvchilar bugungi kunda samarali faoliyat yuritib, kursantlarga o'rnak bo'lib kelmoqdalar. Shuningdek, kafedraning barcha professor-o'qituvchilari tomonidan doimiy ravishda ilmiy izlanishlar olib borilishi va ilmiy ishlar natijalarining o'quv jarayoniga keng joriy etilishi yo'lga qo'yilgan. Kafedraning "Respublika miqyosidagi shaharlarda yong'inlar bilan bog'liq tezkor vaziyatning statistik ma'lumotlari va asosiy me'yoriy ko'rsatgichlarini tahlil qilish" nomli bosh ilmiy mavzusi yuzasidan professor-o'qituvchilar tarkibi tomonidan olib borilgan ilmiy-tadqiqot ishlari natijalari muntazam ravishda ilmiy maqola va boshqa ishlanmalarda o'z aksini topib kelmoqda.

Kafedra professor-o'qituvchilari tomonidan kursantlarning huquqiy bilimni egallashga bo'lgan ishtiyoqni, huquqshunoslik fanlariga oid egallagan nazariy bilimlarni amaliyotda qo'llash ko'nikmalarini oshirish maqsadida doimiy ravishda Akademiya kursantlari o'rtasida "Konstitutsiya bilimdoni" ko'rik-tanlovi va "Siz qonunni bilasizmi?" rukni ostida viktorinalar tashkil etilib o'tkazilib kelinmoqda.

Kafedra zimmasiga Akademiya 3-kurs kursantlarining "Smena boshlig'i" va "Inspektor" lavozimlarida amaliyot o'tashlarini tashkillashtirish vazifasi yuklatilgan. Malakaviy amaliyot dasturiga asosan har yili amaliyot ikki bosqichda amalga oshiriladi.

1-bosqichi Akademiya O'quv yong'in-qutqaruv qismida "Smena boshlig'i" lavozimida hamda 2-bosqichi Toshkent shahar Favqulodda vaziyatlar boshqarmasi Yong'in-qutqaruv qismlarida "Smena boshlig'i" va "Inspektor" lavozimlarida tashkil qilinadi.

Malakaviy amaliyotning asosiy maqsadi kursantlar tomonidan nazariy bilimlarni o'zlashtirishni amaliyot bilan bog'liq holda olib borishni ta'minlash, chuqurlashtirish va mustahkamlash, ularning yong'in bilan bog'liq real va keskin vaziyatlar uchun ruhiy va jismoniy tayyorgarligini ta'minlash, qat'iy qarorlar qabul qilish ko'nikmalarini, kelgusida tayinlanadigan lavozimlar bo'yicha kasbiy mahorat hamda amaliy ish ko'nikmalarini hosil qilish, yuksak kasbiy tayyorgarligini, mustaqil fikrlash, tashabbuskorlik, ijodiy va jismoniy mehnatga bo'lgan qobiliyatini shakllantirishdan iborat.

KAFEDRADA YURITILADIGAN NORMATIV-HUQUQIY HUJJATLAR

1. O'zbekiston Respublikasi Prezidentining Qaror va Farmonlari hamda O'zbekiston Respublikasining Qonunlari;
2. Namunaviy xizmat vazifalari asosida ishlab chiqilgan xodimlar va o'quv-yordamchi tarkibning xizmat vazifalari;
3. Yillik ish rejalari;
4. Professor-o'qituvchilarning shaxsiy ish rejalari;
5. Fan dasturi va ishchi o'quv dasturlari;
6. Metodik (ish) rejalari;
7. Professor-o'qituvchilarning navbatchilik jadvali;
8. Professor-o'qituvchilarning o'zaro o'quv mashg'ulotlariga qatnashish jadvali;
9. O'quv mashg'ulotlariga o'zaro qatnashishni qayd etish jurnali;
10. Professor-o'qituvchilarning mashg'ulotlarini pedagogik nazorat qilish jadvali;

11. O'quv mashg'ulotlarini pedagogik nazorat natijalarini qayd qilish jurnali;
12. Fakul'tet, kafedralar ilmiy-to'g'arak (jamiyat) ishini o'quv yili uchun ish rejasi;
13. Nazorat ishlari, kurs loyihalariga taqrizlarni qayd etish jurnali;
14. O'quv yuklamasi bajarilishini qayd etish jurnali;
15. Maslahat (konsul'tatsiya)larni qayd etish jurnali;
16. O'qitiladigan fanlar bo'yicha oraliq va yakuniy nazoratlarni o'tkazish uchun metodik materiallar;
17. Kafedra yig'ilishi bayonnomalari;
18. O'quv yili uchun hisobot;
19. O'qitilayotgan fan va o'quv kurslarining xususiyatidan kelib chiqqan holda boshqa o'quv-metodik hujjatlar ham ishlab chiqilishi mumkin.

HAMKORLIK

Tajriba almashish va nazariyaning amaliyot bilan uyg'unligini ta'minlash maqsadida quyidagi turdosh OTMlari va amaliy idoralar bilan yaqin aloqalar yo'lga qo'yilgan bo'lib, o'zaro hamkorlik memorandumlari tuzilgan va samarali ishlar olib borilmoqda:

O'zbekiston Respublikasi IIV Akademiyasi "Ichki ishlar organlarining ma'muriy faoliyati" kafedrası;

Inson huquqlari bo'yicha O'zbekiston Respublikasi Milliy Markazi;

O'zbekiston Respublikasi FVV "Davlat yong'in nazoratini tashkil etish bosh boshqarmasi";

Shuningdek, respublikamizda mavjud bo'lgan madaniy-ma'rifiy, tomosha muassasalari va ishlab chiqarish korxonalari bilan kafedra fanlaridan mashg'ulotlarni maskanlarda o'tkazish maqsadida "Xalqlar do'stligi", "Turkiston" san'at saroylari, "Uztex Toshkent" MChJ qo'shma karxonasi, "Uz Auto Motors Powertrain" AJ va Yangiyo'l tumani "Biokimyo" AJ kabi bir qator yirik korxonalar bilan ham hamkorlik ishlari olib borilmoqda.

KAFEDRA FAOLIYATI NATIJALARI

Kafedra professor-o'qituvchilar tomonidan hozirgi kunga kelib, 2 ta darslik, 2

ta o'quv qo'llanma, 20 dan ortiq boshqa o'quv uslubiy adabiyotlar tayyorlangan. Shuningdek, xorijiy davlatlarda 26 ta, respublika miqyosida 80 dan ortiq ilmiy va ilmiy-ommabop maqolalar chop etilgan. Kafedra professor-o'qituvchilaridan ikki nafarida yuridik fanlari nomzodi hamda bir nafarida dotsent ilmiy unvonlari mavjud.